

Skatterådimit najoqqutassiassat unnersuut

Pillugu: Savaatillit aningaasarsiaasa naatsorsorneqarneri.

Savaatillit ukioq aningaasarsiorfik 1987 aallarnerfigalugu qinnuteqarnermikkut akuerineqar-sinnaapput ataani pineqartoq "aningaasat tunngavigalugit" saavaateqarnikkut aningaasarsiat akileraaruteqaataasussat naatsorsorsinnaagaat.

Tamatumunnga qinnuteqaat kommune-mi akileraarfimmi kommissionimut akileraarusiisartu-mut tunniunneqassaaq kingusinnerpaamik ukiumi pineqartumi nammineerluni nalunaarsuine-rup piffissaq eqqorlugu tunniunneqarnissaanut killigitinneqartoq qaangiutsinnagu, nammi-neerluni nalunaarsuinermi savaateqarnikkut aningaasarsiat akileraaruteqaataasussat "aningaa-sat tunngavigalugit" naatsorsorneqassallutik.

Akuersissut - kommissionimit akileraarusiisartumit tunniunneqartussaq - "aningaasat tunnga-vigalugit" naatsorsuisinnaanissaq ima piumasaqarfiuvoq, savaateqarnikkut ingerlatsiner-mi a-ningaasartuutit ingerlatsinermilu isertitat ukiumi akiliiffiusumi aningaasartuutit isertitatullu allanneqassasut - tassa imaappoq nerukkaatissanik toqqortaait, akiligassallit, akiitsoqarfiit kiisalu uumasuutit nalingisa il.il. allannguutaat aaqqiivigineqassanngillat.

Ukiumi allatut aaqqissuiffimmi allanneqassapput uumasuutit akileraarutitigut nalingisa 1. januar 1975-imi ukiumilu allatut aaqqissuiffiup siuliani 31. december-imi nikingassutaat aningaasartuutit (nalit qaffannerini) isertitatulluunniit (nalit appararnerini).

Ukiup allatut aaqqissuiffiup siuliani december-ip 31-ani allanik isertitat aamma/imaluunniit aningaasartuutit allannguutaannik pisoqarsimappat - akiligassallit, akiitsoqarfiit, toqqortaait il.il. taakkuttaaq aamma ukiumi allatut aaqqissuiffimmi ilanngunneqassapput.

Ukiumi allatut aaqqissuiffimmi kingusinnerusukkulluunniit uumasuutinik pisisimagaanni pisinermi akiliutit tamarmiullutik pisinermi aningaasartuutit allanneqarsinnaapput imaluun-niit pisinermi taarsigassarsiat akilersornerat peqatigalugu aningaasartuutit allanneqarsin-naallutik. Periuseq toqqarneqartoq uumasuutinut pineqartunut, kingusinnerusukkut allanngor-tinneqarsinnaanngilaq.

Aningaasarsiat akileraaruteqaataasussat pisuussutillu naatsorsornerini ilanngunneqartut allat, ukiumi allatut aaqqissuiffiup siornatigut ukiuni pisarnerattut ingerlanneqassapput.

Ukiumi allatut aaqqissuiffimmi tamaat ataatsimut katillugu aningaasatigut aaqqiissutit pillu-git ukiumi naatsorsuutitigut allanngortitsiffimmi iliuitsit marluk atorneqarsinnaapput, tassa tamakkiisumik allanngorneqarsinnaagamik/ilanngaatineqarsinnaagamik imaluunniit ukiu-nut tallimanut agguataarneqarsinnaagamik - ukioq allatut aaqqissuiffik ukiullu tulliuuttut 4-t - ukiut tamaasa tallimararuterutaa atorlugu.

"Aningaasat tunngavigalugit" naatsorsuineq atorneqaqqusaalereerpat, tamanna pissaaq ani-ngaasarsiat akileraaruteqaataasussat nalunaarutigineqarneranni kingusinnerpaamillu inaarum-mik naatsorsuisarneq, "aningaasat tunngavigalugit" naatsorsuisarneq Skatterådimit akuersis-suteqaqqaarani atunngitsuinnarneqarsinnaanngilaq, taassuma ataani ukiut allatut aaqqissuif-fiusut.

Ukioq aningaasarsiorfiusoq 1987 aallaavigalugu pineqartoq atuutilissaaq, SDI-mit nalunaa-rummit nr. 169, 4. november 1983-imeersoq, paarlaallugu.